

安陸府志卷之三

方輿志

山川風俗

形勝物產

古蹟附勝槩

陵墓

大澤前臨高岡後倚西接襄江東連潁水昔稱繁  
靡今歎疲繭賴良司牧加意振起志方輿

山川

漢東諸山

隨州之大洪山南十五里曰城子山上有古城  
又西南十里曰黃僊洞又西南七十里曰白水巖又  
西二十里曰盤石嶺有上盤石中盤石下盤石言其  
石路盤迴也又西十五里曰龍爬山上有龍爬之痕

安陸府志

卷三

一

又西北二十里曰純德山舊名松林山明興獻遺陵  
在焉又西南十里曰天子岡在松林山左又北三里  
曰九龍岡又南曰子胥臺又南曰櫛木山楚武王廟  
在焉岡橫亘而西曰石城山山左支曰從岵山右支  
曰陽春臺對峙而南圉合相拱舊邸寔宅其中邸前  
隆起曰蘭臺卽楚王披襟當風處宋玉所爲賦者也  
去漢江不百步而近江自西北而南而東環遶逕前  
曲屈而出寔爲天儉盤石西南二十里曰清平山岫  
岳懷王常寧公主二墓在焉又西南十里曰寶鶴山

明郢靖王墓在焉又西二十里曰瑜靈山明梁莊王墓在焉龍爬山南十里曰丘公塏明善化公主墓在焉大洪山西二十里曰界山又六十五里曰花山俗傳慈忍尊者過之百草開花因名又西北四十里曰焦山

自城子至焦山凡二十里並隸鍾山祥

大洪山東南三十里曰太陽山又東十里曰關山嶺富水出焉又西南六十里曰金子山潮水泉在焉又南十里曰橫嶺潮水逕焉又東南八十里曰石人山上有一石類人因名又東南六十里曰張良山峯巒

安陸府志

卷三

二

高峻峭壁間有一橫逕多馬跡又東十五里曰京源山又東曰觀音巖泉流瀑布巖石空洞有古木數株橫山西北六十里曰聊屈山即古耶屈山一名盧屈山曰水出焉又南六十里曰潼泉山又西南二十里曰磨石山筵水出焉潼泉山東南二十里曰僊女山峭壁插天洞口有石床石枕石鏡臺又東南三十五里曰空山洞又東北二十里曰惠亭山西南五十里曰子陵山中有嚴子陵讀書臺下有洗墨池帝星井又西南六十里曰寶香山一名石人山北眺諸山南

望潛沔舊傳慈忍過此手焚翼香因名又東五十里  
曰火門山一名天門山世傳光武兵舉火夜度此山  
因名唐陸羽廬於火門卽此自太陽至火門凡  
十□山並隸京山

火門山西南十五里曰青山惠亭山東南七十里曰  
五華山上有伏羲廟舊有古風城又西十五里曰龍  
穴山傍有龍穴陂因名一名龍尾山又西八十里曰  
白螺山下有珍珠坡又東南六十里曰巾戍山昔元  
熙二年得銅鐘七口於此自青山至巾戍山  
凡五山並隸景陵

漢西諸山南漳之四望山南八十里曰石人山入荆門界

安陸府志

卷三

三

又東六十里曰屏風山絕頂□衍中有兩泉宋開禧  
間□守李直炳徙居於此□□四十里曰斑竹岡卽  
吾韓翊送人赴江陵詩所□□竹岡迎山雨暗者是  
也石人山南三十里曰□居□又南百里曰西山上  
有倦人洞及海會院又東曰衆山一曰蒙山兩巒對  
起如蛾眉舊名泉子山山麓有蒙惠二泉又南三里  
曰虎牙關孟子港水出焉又南二十里曰卓刀石漢  
關將軍徃耒荆襄於此屯兵卓刀在上其迹猶存又  
東南一百八十里曰內方山在漢江上卽禹貢所謂

內方也一名章山一名馬僊山唐因司馬子徽鍊丹於此故名虎牙關東北四里曰東山上有楚望亭亭側有塔又東北三十里曰靈鷲山舊有靈鷲寺有穴曰龍洞深五里石臺甚高又東北四十里曰三尖山西山東五里曰太子岡元文宗自潛邸歸即位嘗住此岡因名

屏風三尖太子岡內方山並隸鍾祥餘隸荆門

遠安縣之鬼谷洞山與當陽接壤相傳鬼谷子嘗遊此山之陰沮水逕焉又南五十里曰玉泉山下有王泉珍珠泉出焉又西南九十里曰紫蓋山道書稱第

安陸府志

卷三

四

三十三洞天寰宇記紫蓋有南北二山頂上四垂若繖狀林石皆紺色下出綵水甘馨異常上有丹井下有古寺沱水逕其西又沮水北三十里曰鐵人谷又西南四十里曰張飛山東有長坂曹操追昭烈張飛拒後即此又南十五里曰金龍潭山下有龍泉寺右有胡安國墓又南十五里曰玉陽山邑名玉陽蓋取諸此又東南二十五里曰許由山相傳許由隱此下有洗耳溪又南五十里曰圓臺山亦曰靈臺口有燦霞觀故址俗傳唐王貞公主所建有碑乃陳宗遜撰

庾遠書又東南六十里曰綠林山即王莽末兵起處  
玉泉至綠林凡九山並隸當陽

江之烏林磯北一里曰黃蓬山上有魯公魯婁城俗  
傳漢魯肅嘗屯兵於此又東二里曰香山一名望鄉

二山並隸沔陽

漢按水經沔水自武都至樂城稱沔度口至姚方稱  
漢襄陽至沙羨又稱沔其實一水也今郢城上遡宜  
城下至沔陽東岸逕鍾祥京山景陵三縣西岸逕鍾  
荆潛沔四州縣境沔水逕故都縣南入境今荆門界

安陸府志

卷三

五

漢江北有縣故基南岸有石崖俗名石梁山山上有  
臺即水經所謂南臨沔津津南有石山上有古烽火  
臺縣北有大城楚昭王爲吳所迫絕郢徙都者也豐  
樂河注之又南逕石城即郡城又南十里爲澗馬灘  
世傳關將軍澗馬於此南與白水合東南流逕內方  
山東又東會權口即古之權國也東南與陽口合逕  
古雲杜縣東夏水從西來注之又東逕左桑又東合  
區亮水口又東得合驛口又東謂之橫桑又東謂之  
鄭潭又東得斷沔又東與力口合出境至漢陽入於

江

漢東諸水

敖水源出黃僊洞西南流令枝水注於沔實曰敖即今直河按水經注敖在新市縣東北又太陽山西南流逕新市北又西南而右合枝水今遡其源非是豈酈氏亦傳之誤與豐樂河原出大洪山西北流逕盤石嶺灌田甚廣民賴以豐枝水出橫嶺西北流逕古郟縣界西南逕秋城西南左注敖水龍鷲湖在府城南三十里水溢達於沔舊傳嘗有龍馳鷲於湖因名俗訛鷲爲母金港在櫛木山下一里入沔曲□

安陸府志

卷三

六

池在威武門外梁大清間邵陵王綸守郡雅好賓樂於詩酒慕王右軍蘭亭流觴曲水故效之龍鳳□在府城南四十里乃漢江支流青泥池在櫛木山下三國志樂進與關將軍相拒青泥山即此城東南有井暨池相傳爲梅福煉丹養龜鶴之所井曰煉丹池曰龜鶴又東六十里有鹿湖池深不可測舊傳有白鹿入此因名一敖水至鹿湖凡十並隸鍾祥白水源出聊屈山合篋水注於沔魯定公四年吳師入郢昭王奔隨濟於成臼謂此水也篋水源出磨□

山下納新市僊女洞泉潼泉逕景陵縣界入於漢禹  
貢過三筵平垣河在縣東北百二十里源出太陽山  
東流爲楊家河逕漢陽界入漢富水河在縣東九十  
里源出關王嶺東流爲三汊河石板河注之逕應城  
縣界入漢溫泉在京源山南數里時沸甚可浴其旁  
舊有振衣亭馬跑泉在張良山陰里許相傳漢關將  
軍駐兵於此亦有卓刀石存泉南流十里匯爲潭曰  
司戶深不可測昔有曹司戶者禱雨於此不應因委  
身深澤中少頃甘澤大沛又東南流十里曰滾鍾潭

安陸府志

卷三

七

又東流里許曰多寶鐘潭深數十尋方廣丈餘縣前  
河東流逕五華山入於漢五泉在橫嶺泉有五穴湧  
如鼎沸灌田甚博西南逕聊屈山南流合曰筵入漢  
新羅泉在石人山下相傳嘗有新羅僧修行於此其  
泉漑田民甚便之湖水泉在金子山白玉泉在寶香  
山珍珠泉在子陵洞俱入筵水漢江北十里水溢而  
匯曰泗水卽泗汊湖

白水至泗水凡十  
五水並隸京山

漢水自京山小河口分流逕青山東南至三汊河巾  
水來注之巾卽巾港俗名石家河源出青山南流與

小河合水經註巾水出竟陵縣東一百九十里西逕巾城城下置巾水戍西有古竟陵大城古鄖國地鄖公辛所治所謂鄖鄉矣昔白起拔郢東至竟陵卽此也今巾城與巾水戍皆不詳所在而巾港有巾港市豈卽其處歟又逕景陵前曰義河逕楊林口亦名楊水至便河口復入於漢水經楊水納巾吐柘柘今未詳所在相傳宋太祖微時嘗渡此以錢遺舟人不受太祖登極免徵魚課故名義河漢水自牛蹄口分流曰車湘港至橫林口復入於漢隗水卽城隍臺河經安陸府志

卷三

八

新陽縣南縣治雲杜胡城分雲杜立隗水又東南流注霄城縣南大湖又南入於沔水是曰刀口囿河赤名會河本京山縣前河東流逕五華山皂角市出牙兒口注於漢柳家河源出龍穴山入風波湖逕楊林口入漢縣東西南俱有湖東曰東湖廣袤三里西曰西湖廣次之中有陸羽泉一名茶井又名文學泉南曰南湖中有壇壝民居

巾水至南湖凡九水皆隸景陵

漢西諸水

權水源出西蒙諸山逕太子岡會流爲曹將軍

港逕內方山東南流逕古權國城東南有那口城又



東入於沔陽水一名建水今名建陽河又名大曹河水本龍陂合白中昏官三湖水逕太陽壩入於漢謂之陽口一名中夏口南宋元嘉中通路自湖下注陽水以廣運漕水經注以漢東楊水即爲此水誤矣直江源出自白家山南流長湖會谷後港入潛江界平塘湖達三湖以合沔水白龍潭在靈鷲山下深長五里流逕朱家埠泐河口入於漢東五里曰曹將軍港即權水唐曹全政劉巨容嘗敗黃巢於此孟子港源出虎牙關逕建陽驛入三湖唐孟浩然嘗往來於此

安陸府志

卷三

九

西名潤鄉洲在長湖濱古諺云流盡潤鄉田荆門出狀元蒙泉惠泉源出象山分爲二派後名其北曰蒙南曰惠宋知州彭乘爲三沼共延至竹陂河入漢民引以灌田權水隸鍾祥自陽水至惠泉凡六水並隸荆門

沮水源出房陵縣過遠安縣與漳水合流俗名河溶通沱水至枝江縣入於江漳水源出漳縣南逕當陽與沮水合流入江左傳江漢沮漳楚之望也即此沱水分自大江逕當陽枝江交界會於潛禹貢岷山導江東別爲沱即此河溶有金沙灘其地多流沙煜煜

如金丹溪在當陽北七十里玉泉在覆舟山逕寺東  
又逕當陽治前入於沮舊志玉泉有二碑邵子明李  
安期所撰綠林山水流逕圓臺山南匯爲熨斗陂宋  
郡守吳獵常遏走馬湖熨斗陂之水西北至李公匱  
以陷戎馬

凡自沮水並隸當陽

潛水即漢水分流始入曰蘆泐河逕縣界東南流爲  
上新口下新口入沔陽界又自排沙渡東流爲深江  
入沔陽界南流爲思江十里許復與潛合縣令敖鉞  
所開沱水乃江水自郝穴口溢入東北逕三湖芝江

安陸府志

卷三

十

湖至縣南二里爲馬市潭潭北五里有沱埠淵縣東  
有池曰南池北池北有湖曰太平鄭家西有湖曰青  
陽南有湖曰東白西白及陸家淵

池二水並六湖皆隸潛江

沔水一自潛江縣排沙渡至深江入州西北界逕剏  
河范漑關栗林麻港南灣至黃荊口入下帳湖東會  
於白湖又自范漑南播於劉家渡入三江口又自栗  
林口播於蔣家灣逕蓮臺趨大口合黃荊口水一自  
上新口逕鮎魚套白汊口一自下新口逕伯口至柳  
口折而爲漕河俱達三江口合流逕滄浪即禹貢所

名屈原逢漁父處又逕侯埠關趨於白湖又自柳口東播於萑蒿汀至直步夏水從西來注之逕螺子瀆渣潭東北趨太陽腦入於襄河又自渣潭東南逕小陽張家池壩港入陽名湖匯於白湖出沌口入江江水自巴陵逕白螺山南又逕烏林南東過茅埠口又東過竹林灣又東過新灘水洪二口又東北過沌口東流與漢水合夏水今名長夏河水經註卽睹口爲中夏水輿地廣記夏水入沔謂之睹口冬渴夏流故曰夏水自監利入東爲大馬長川過沙口又東北過

柴林河至直步與漢水合復車河江自茅埠灌蓬湖湖東爲河逕牛埠三灣平放東出新灘口又自三灣逕斗湖至楊名匯於白湖州東有池曰蓮花陽孟浹液湖曰大白一名九真白湖衆水所會由沌口入江曰沙湖陽名短汀白鷺鼉湖郝盤泛曰五老紹興南有池曰張家湖曰黃蓬大舍白螺上洪烏流龍泉雲泛西湖小陽直步東南有湖曰下五鮓公土橋淠潭沉槎澗潭西有湖曰百石三陽角兒官港潭曰儲龍東北有湖曰李老三墩奠石泗港泛曰馬骨西北有

湖口上西下西月湖北有池曰復池湖曰白黿潛復水

車河凡六水並湖池泛  
港四十有四皆隸沔陽

### 形勝

西浮江漢東馳京嶺唐劉丹記上接漢江下通湘水郡志舟

車往來水陸之衝風土考古記東忝江淮西通梁漢富水志

南郡之邑沅湘之間楚辭襟帶隨郢腹背吳楚地窪而

卑水漾而瀦宋朱昂賽廣澤廟序地濱江漢之洳復州廳壁記惟茲

七澤之南實在重湖之右輿地勝紀夢澤之南江流漢襄

是為景陵東盡滄浪宋張允之侯德政頌焦環城皆水因河為

## 安陸府志 卷三 十二

壕宋朱昂序川澤之區沔陽志西控巴峽扼其喉咽東連鄢

郢為之襟帶荆門軍記環列重山帶繞大澤荆門軍鼓角樓記居

江漢之間為四集之地宋陸九淵荆門軍議

### 古蹟 勝槩 附

鍾祥石城晉羊祜鎮荊州所築

莫愁村在城北相傳盧家有女子名莫愁善歌舞後

入楚王宮因以名村

白雪樓在石城下臨漢江樓有五客堂唐李昉守郡

時繪五禽於壁間鶴曰僊客孔雀曰南客鸚鵡曰

西客鷺鷥曰雪客白鷗曰閑客

浩然亭在白雪樓側王摩詰過郢畫浩然像於亭題云故人不可見漢水日東流借問襄陽老江山空蔡洲後皮日休改爲孟亭久廢明萬曆間郡守孫文龍重建併畫像亭中兵燹後疊經增葺

子胥臺在城北伍員入楚屯兵於此

解珮亭在城北十里漢濱卽鄭交甫遇仙女解珮處旁有漢臯亭事甚竒而唐宋諸公未見有詠者今偶記詩一首不知出於何人何代題曰漢臯別意

安陸府志

卷三

十三

聊附於此征帆初下碧烟波極目秋空柰若何惆悵弄珠人不見相思忍聽莫愁歌

漢上茅屋張伯常寓郢築司馬君實曾子固有詩

漢城在漢濱關將軍嘗屯兵其中

龍鳳港在城南四十里楚王嘗乘彩舫載嬪御遊戲於此

寶香亭皮日休記在蘭臺之西龍興寺之北

宋玉石二李昉守郡時得之榛莽間後移白雪樓側今失

宋玉井在府學泮池側泉清冷湛冽異於池水  
蘭臺卽舊邸前高岡昔楚王遊於臺上披襟當風卽  
此眺漢江如帶望三峯諸山如碧雲萬頃今燬  
梅臺在城東漢梅福昇僊所築傍有煉丹井又有梅  
福宅梅旣上書言外戚之禍又屢言宜封孔子後  
以爲湯祀漢帝因其言封孔子世爲殷紹嘉公後  
王莽尙政福棄妻子仙去其後有人見於會稽變  
名姓爲吳門市卒云

鞭尸灘在郡城南二十里卽子胥鞭平王處

安陸府志

卷三

十四

澗馬灘在漢江南十五里關將軍嘗澗馬於此

唐時釋迦佛在報恩寺其左右二像則後人所摹而  
增也

放鷹臺楚王遊獵放鷹於此城東四十里藪澤之間  
四望空濶極目無際

狀元坊宋政和六年進士黎亨繼坊蓋亨繼以進士  
上疏陳時務帝偉之有旨賜同狀元恩例故里中  
建坊以榮之弘治時尚在安陸州城今不存

金港出櫺木山流一里人漢宋人嘗於此披沙求金

今湮爲民居

白水巖在鷄籠山南洞壑瑩拔有泉從巖上飛瀑如練

陽明洞在鷄籠山北門如城中有石屏洞門外石峯如笋

陽春臺高聳平衍煙雲竹封陰晴異狀城中偉觀挹漢亭當從岵山東北四圍山色如屏長江如帶圜折於前

蓮亭在龍山寺之陰東西兩山相對鬱起中有地廣安陸府志

卷三

十五

數十畝蓮葉凝碧齒萑敷紅夏月凭欄遙望長提行旅宛如畫圖

曲水池在威武門外梁太清間邵陵王綸守郡雅好賓客樂於詩酒慕王右軍蘭亭流觴曲水故效之青泥池在櫛木山下三國時樂進與關將軍相拒青泥山卽此

僊人洞在郡東北有石床石枕深不可測可避亂龜洞在聊屈山下有潭稱龍窩水清如注禱雨取應孤樓巖在郡東八十里巖懸數十丈樓構其上攀援

而登面山峭壁如削巖下有龍潭春正月後巖常  
動如地震狀皆龍出八也又有水乳滴成石佛□  
像眉鬚宛然巖北有雷打石相傳山麓有寺一夜  
風雨大作雷劈半山壓之今陰雨夜尚聞鏜吹聲  
華巖洞在郡東七十里成化初山崩洞見土人於其  
地得古佛一尊因石巖空曠成殿列佛像於中洞  
在巖旁極深杳相傳有人秉炬而入行數里阻□  
隔岸似有人聲懼而出

黃僊洞山在郡東百里昔黃石公憩此因名洞內豁

安陸府志

卷三

十六

然明曠有龍潭深不可測

鷄籠山在郡東百里高數百仞與焦山對峙山盤□

麗周環二十里四面俱山八峯環抱而此峯居□

櫺木山在城東里許一名武陵楚武王伐隨出師□

丹陽心蕩至櫺木下卒

花山在郡東六十里舊傳靈濟祖師過此百草開□

內方山在漢江上去郡城西七十里卽禹貢所謂內

方一名章山一名馬良山三國馬良兄弟五人居

此並有才名諺云馬氏五當白睂最良又名馬□



山唐司馬子微煉丹於此

山京聖人嶺在縣南五十里相傳孔子適楚經此

曬書臺在縣北八十里孔子輿書過楚車覆書濕曬於此

張良山在縣北八里峭壁間多馬蹟山下或得鐵彈丸大者如鷄卵盖良息兵處也

子陵臺是嚴光讀書處傍有帝星井云子陵讀書至夜半有帝星臨焉光芒燭天後光武至此果應之仙女洞在縣南三十里洞在山腰峭壁遮天洞口有

安陸府志

卷三

十七

鏡臺粧臺火窖相傳皆仙娥所遺宋建炎中有人執炬入遊數日而出乃隨州也

王莽洞在縣南五十里洞門南入北出其上有穴通  
明可宴百客凡洞皆有沁滴惟此燥潔冬帷帳而  
臥不異堂室因王莽經此故名

富水廢縣在城北九十里宋乾德二年置今已六百  
餘載而城南門甕串猶存

多寶鐘潭在縣南二里深數十尋方廣丈餘宋時寺  
燬於盜鐘自巨焰中躍入此潭

滾鐘潭在縣南三十五里昔有寺鐘忽自樓出滾入潭中所歷處草木皆偃生

馬跑泉在縣北十里關將軍駐兵於此山無水土卒渴甚夜有虎咆哮馬驚跑地因而得泉至今民資灌溉

白河在縣西南一百四十里左傳楚昭王奔隨將涉成臼卽此

京源山有石碑刻古詩十首以崖枯草莖瘦水清魚影寒爲韻今爲野火所燬

安陸府志

卷三

十八

新市廢縣去富水七十里故城在郢州富水縣

三王城卽王匡王鳳王常起兵處遺址尚存有臺在太陽山東

城子山城在縣東二十里遺址宛然數年前土人猶掘得窖粟

土墻湖在縣南七十里寶香山畔俗呼呂王城湖側有金雞塚昔有金雞鬪其上樵牧皆見之羊祜亭故址卽今穴河寺

曹武市在縣東四十五里魏武征孫權過此

滴水巖與京源並峙巖在麓有石室擅花木之勝  
惠亭山去京山二里許善興雲霧每旱暵候之得片  
雲擁其首甘澍立降

月掌山去縣百里而近山形半顛月半顛人掌  
觀音巖泉石壁峭立洞中有石大士像娑羅樹一大  
二十餘尺飛瀑如練搆有爽心亭暑月生寒色  
珍珠泉在大蹟山東其水沸出如珠聞人聲其珠愈  
大愈多泉有五穴湧如沸鼎人至沸止既去復沸  
石鏡臺在空山洞高廣如屋有石鼓擊之鏗然

安陸府志

卷三

十九

黑龍洞在趙橫洞西南泉自洞中流出外人呼之應  
聲如在數百步外

五寶巖在千佛寺之背山有五峯上輕下軒巉巖峻  
絕樵人亦時躡之多小石倒綴採作假山瑩秀可  
愛穿洞里許一山蜿蜒東行屈曲相對劃爲兩洞  
皆透徹山背兩洞之陰有陂諸谷水所會前後悉  
杭田土人欲灌注則決陂貫北洞而出既足又貫  
南洞而出牧豎田叟徃徃行其中以爲常而上又  
爲大道行旅駐足空中亦異事也

辦頓市在縣西六十里相傳漢光武頓宿於此  
武臺在縣北六十里枕山臨水相傳魏武習兵處  
八角井在縣西南八十里梁高僧演教之所  
韓丞相井在縣西南六十里趙橫寺前俗傳寺本韓  
丞相故第昔有高僧乞地爲安禪之所韓不與僧  
夜以杖指麾明晨韓宅盡徙火門山外惟井獨存  
僧遂建寺至今猶謂移韓就火  
董仲符石在縣南五十里本處多蛇虺之毒漢董未  
子仲過此嘗書二符於石上其害遂絕

安陸府志

卷三

二十

漢王節妃井去邑東六十里土人方可啓土得斷碣  
上勒五九百年方可來淘地理楊恒襄識方可卽  
土人名恒襄本境地師別識之

江潛

舊縣基在豆子湖去城西四十里

俞潭城在棠林岡俞潭舖漢關將軍曾屯兵於此  
白鶴樓在舊縣北元姚燧藏書之所有白鶴巢其上  
石橋書院在龍淵市元泰定間學士林仕淵建  
宋狀元坊爲狀元畢漸立在縣學前

荆門

古塔在東山隋智者所立去州東南一里其頂平

夷號曰太平頂上有楚望亭今廢記曰立了東山  
塔荆門生頭角今名東堡山又名文峯山麓有二  
孫狀元書院舊址宋孫何孫僅相繼擢大魁

桃花臺高二丈傳爲吳王棲嬪妃之所值天雨久陰  
時上人間聞有絲竹聲在藻里

澄源閣在蒙泉側唐建

洗心堂在蒙泉北卽舊皇華館宋紹興中王嗣建

磨劍石在州西北九十里望鄉村有秦王磨劍石多  
礪痕

安陸府志

卷三

二十一

織女洞在內方山南昔有七僊女於此圍棋上有梳  
粧臺及廟遺址

洗馬潭在州南門外相傳關將軍洗馬於此石崖尚  
有坐痕

□星井在嚴山相傳嚴子陵居此其井見光芒

屯山內有白龍潭遇白龍現則大雨時行其歲必豐  
□山象山相對而峙諸水流出其間二山若獸蹲踞  
水中

靈鷲山有穴名祖師洞深數里有剄數株葉如冬青

實如红柿可愛名曰僂菜

船亭與惠泉亭相近架於泉上環以榆柳桃杏恍若  
泛舟水中

漱玉亭在惠泉傍有寒亭信美亭唐沈子言李文饒  
爲之題詠

噴玉亭在蒙泉西宋觀察張垓行部至州嘆賞其景  
徙巨石中流助泉激射如噴玉故名

象山在荆門州治西一里兩峯對起如蛾眉又如象  
形山下有二泉北曰蒙南曰惠冬時北泉寒南泉

安陸府志

卷三

二十二

溫楊繪詩曰源有雌雄分碧白白謂雄碧謂雌大  
一統志又云晝夜二潮水溢數寸世傳北出珠南  
出玉崇寧二年有巨蚌夜游北泉光彩四燭

蒙泉黃魯直書二大字於石壁上唐宇文鼎李德裕  
沈傳師劉次山宋歐陽修孫僅孫翀各有題詠

講經臺在象山陸九淵講習處後建象山書院

宋兄弟狀元坊爲孫何孫僅立讀書處爲東山書院  
孟子港在州西南五十里昔孟浩然常往來此地

曹將軍港在州南諸里村唐曹全政敗黃巢於此

卡和抱玉巖在州治西北一百九十里望鄉村有潛玉亭

春申君故宅在州東二百里宅前有翰林港讀書堂遺址

子陵宅在州北三十五里石板舖

掇刀石在州城南二十里關將軍嘗息兵掇刀於石其石巔岿碧色痕跡儼然後人建廟於此孔克學詩云赤兔生花汗血毛戰餘松下解征袍將軍一咲風雲散曾借巖巖寄寶刀

安陸府志

卷三

二十三

撒石山在仁惠寺東關將軍撒石戒兵之嶺也

白社在州南一百二十里石隱士之居以白茅爲屋因名唐都官鄭谷常居於此

蠻水在鷄鳴澗北卽夷水桓温又名彝水改名曰蠻水王建荆門行云喚起官程渡蠻水卽今蠻河東南流入漢水相傳唐李勣徙高麗民於此故名赤湖在州治南一百六十里晉桓玄挾帝西幸劉毅等追襲之斬玄黨流血水爲之赤故名

衛公賦詩石在城西唐李德裕節度荆南賦詩刻石

李家市城在治東南七十里五代高氏築址存

基州章山縣在州東一百二十里唐建土城尚存章

山即內方山

故荆門府在當陽古城荆門縣在州治東門外故長

林縣地荆門軍先在長林後移於當陽之方城又

移於古城

新城在城東南百二十里宋昌文煥都統邊居誼築

基存

古綠麻縣城在州東南一百二十里漢江上綠麻山

安陸府志

卷三

二十四

亦居誼所築卽今沙洋地

昭君村土人云在荆門州故少陵詩云群山萬壑赴

荆門生長剛妃自有村蓋漢元帝以昭君配單于

臨行自爲怨詩曰秋木萋萋其葉萎黃有鳥處山

集於苞桑養育毛羽形容生光旣得升雲上遊曲

房離宮絕曠身體摧藏志念抑沈不得頡頏雖得

委食心有徊徨我獨伊何來徃變常翩翩之鷺遠

集西羌高山峩峩河水泱泱父兮母兮道里悠長

於乎哀哉憂心惻傷



眼臺山在州北百里唐靈濟和尚曾眼衣於此有寺  
故編都縣在東門外北卽長林地有櫟林長坂拱木  
修竹隱天蔽日長林盖取名於此

古樂鄉晋安帝時置在舊長林縣界

故安居縣在州治東六十里石牌西梁時立隋改立  
昭丘縣大業初又改爲荆臺縣

宛城在州南六十里舊志云魏立荆州理宛城卽其  
地

當陽磨城在縣東四十里荆州記云麥城東有驢城沮

安陸府志

卷三

二十五

水西有磨城伍子胥築以攻麥城者諺云東驢西  
磨麥城自破又二十里爲麥城相傳楚昭王所築  
後關將軍爲吕蒙襲走麥城卽此

太子岡在縣北四里元文宗爲太子時駐蹕所也百  
官進食皆不受惟啜一茶克學詩云玉輅金根駐  
此岡一卮鳳髓進霞觴豈知四十餘年後老對殘  
蟬送夕陽

紫雲山在縣東南二百里相傳元無聞和尚於此誦  
金剛經時有紫雲現故名

熨斗陂在縣東北八十里唐李端自荆門赴夔州詩云琵琶寺裏響空廊熨斗陂前濕成荒是其地也糜城在縣東六十里三國時糜芳所築

壽亭侯印紹興中漁者獲之洞庭納長沙庫中時有光焰異常送玉泉山公廟淳熙四年冬本庵真慈欲獻於東宮是夕光發於函輝燭楹庶其印徑二寸鈕四面連環上以一大環總之失去不存方城在縣東南一百六十里唐郭子儀築

鬼谷洞在青溪山有石室鬼谷子與張儀蘇秦講易安陸府志

卷三

二十六

處傍有法琳洞

仲宣樓在縣南王粲依劉表時登樓作賦處唐杜甫有春風回首仲宣樓句後爲縣尹黃恕改爲譙樓遂使荆襄仲宣樓擅名寓內

劉綱夫婦昇僊處在紫蓋山上有五帝僊祠

丹井在縣南八十里紫蓋山葛洪煉丹處也又名拔倒井泉水不竭視之洞然莫測上有葛僊祠

五鳳堆漢時有八龍五鳳遊此故名在縣南亦呼五

鳳州

聖水寺在縣東南三十五里寺前有石洞名聖母歲  
旱居民取水祈雨多應唐德宗爲道明禪師建寺  
久廢明永樂間僧妙道復興立於絕巘俯顧四圍  
峯巒獻秀殆幽勝處也

玉泉寺在縣西五十里天台智者入定關將役鬼工  
蓋造七日而成隋煬帝朝詔頒玉泉寺額其夾道  
萬松皆唐貞觀中僧法瑱所植

龍泉寺在縣北一十五里晉孝武時遠公法師開建  
元皇慶元年惠燈和尚重建有胡文定公祠在潭

安陸府志

卷三

二十七

北

鐵人谷在沮水山谷間有鐵石甚巨頎然如人形  
沮水源出房陵過臨沮與漳水合流通沱江至枝江  
匯入大江

紅泉在金龍潭之傍取水炊飯作赤色

紫蓋峯頂四垂若繖狀其林石皆紺色上有丹井出  
綵水甘馨異常寰宇記謂第三十三洞天宋葛立  
方詩云紫蓋亭亭秀荆渚股分綵水穿林莽嘗想  
當時老阿瞞鐵騎蛇矛走先主

玉泉山高九百丈狀如覆舟有乳窟有珍珠泉

□窟在玉泉寺中有白蝙蝠大如鴉棲則倒懸飲乳  
水李青蓮有記

□蓮池晉武帝大元間遠公法師至涪溪掬水浴身  
□白蓮花開敷水面觀者異之今池址尚存

三星山唐司馬子徽昇僊之所有塔高丈五尺

洗耳溪在許由山下相傳許由隱於此泉流四時不  
竭

龍女祠在雲夢山昔法琳大師於此誦經見一女日

安陸府志

卷三

二十八

來獻食師詰之曰汝何氏對曰我婆伽龍女也居  
岷峨聞師誦經功大特來供獻師曰巖泉聒我女  
曰易爲耳遂辭去忽一日水從巖下流三里外方  
有聲後人建祠歲旱禱雨有應

玉泉在縣西五十里又名珠泉泉從地中湧出如珠  
其南爲天台智者道場即關將軍遣鬼工所造按  
郭璞遊僊詩序謂此泉潛行九萬八千里通天竺  
注震旦大一統志有二碑乃邵子明李安期撰今  
不存

長坂在縣北六十里曹操追昭烈至當陽長坂張飛  
據水斷橋卽此

唐國師玉泉寺大通禪師碑張說撰侍卽盧藏用八  
分書甚古碑尚有僧正誨詩云斷碑有字埋荒草  
廢塔無名起暮煙

鐵鼎形制竒古在大雄寶殿前隋大業十一年鑄重  
三千觔

鐵塔在玉泉寺高五丈餘宋嘉祐六年鑄重十萬餘  
觔

安陸府志

卷三

二十九

觀音遺像碑在鐵塔左高七尺有竒吳道子真筆傳  
云大士脫化真像後以碑穢於道傍徙大殿前覆  
以亭

僊人掌茶出於玉泉之山巔羅生枝葉如碧玉其狀  
如掌清香異他茗此蓋發乎中孚禪子及青蓮居  
士李白也

金龍潭在縣北十五里宋徽宗時建明堂遣吏取水  
至潭投金龍鎮之故名胡文定居其上

梳粧樓宋章獻明肅皇后梳粧處也后本成都之華

陽人家以播鼗爲業隨父龔美遊汴過荆門□□  
泉慕容禪師夜夢金剛報云明日女中天子□□  
因厚遇之贈以金時真宗尚爲壽王居潛邸□□  
張耆引后見王王悅遂納之無何壽王卽位自□  
妃冊爲后天禧末慕容已往長盧后白於帝召之  
不至曰玉泉無僧堂長盧無山門詔建二寺門堂  
兼賜龍眉龍角黎巽詠梳粧樓詩云畫樓不可見  
寥落秋草荒鏡作空山月無人更理粧

唐贇詩碣張九齡常建李白孟浩然周樸白居易僧  
安陸府志

卷三

三十

齊己題詠宋張田序張仲回篆額碑尚鮮潔

陽沔三篔禹貢過三篔左傳有句澁章篔雍篔蕞篔皆

水濱地名也

滄浪禹貢東流爲漢又東爲滄浪之水屈原逢漁父  
處

望僊樓在城上宋晏殊顛要云刺史鄭肇建

綠波亭在州境宋建

寶香閣在州境宋韓遜建後爲湖山堂

讀書堂在紫極觀唐皮日休陸龜蒙讀書於此

復州城在州北二里唐置宋端平初徙治沔陽鎮卽  
今州

江北城宋乾德三年置玉沙縣有玉沙草堂傍有碧  
霞元君祠

却月城在沔水口黃蓬山

石樓城在舊州治西一十五里

青林城在州東十里

魚腹城在州東五十里

廢沔陽縣故志楚王城元和志雲杜縣宋至道三年

安陸府志

卷三

三十一

省沔陽縣爲鎮併其地入玉沙

大隱林小隱林在城南相傳屈原遇漁父釣處

五樂臺在古城東北楚王遊獵處

清薰臺在漢廣村

范漑市在州西四十里

烟雨樓沔陽勝景一望平湖萬頃又有蓮碧亭大蓮

湖小蓮湖憑欄極目應接不暇其芳香馥郁之盛

甲於楚中

風城在五華山古風氏之國伏羲氏之後封於此

景陵

甘魚口卽左傳次於魚陂注云竟陵城北有甘魚陂  
雲杜城今縣北古城故志以中口古鄖爲雲杜  
古竟陵城在縣西北二十里巾港河西

雲夢城在縣西卽古雲夢澤

先師像係吳道子筆在學中嘉靖壬寅有兵巡使者  
柯行部至邑馬伏地不行柯以爲其下必有異物  
掘地得石碑乃所刻道子先師像也文雖稍剝蝕  
而古意猶存

笑城在縣東六十里宋將畢再遇與金兵對壘夜遁

安陸府志

卷三

三十二

惟繫羊擊鼓金兵覺欲追不及爲之大笑故名

珍珠坡在縣西五里昔有販珠者覆舟於此又名覆  
船岡

文學泉在縣西北一名陸子井陸羽得泉試茶故名  
羽嘗以太子文學徵因以名泉

萬人井在南門東二十步口徑七尺五寸可飲萬人  
故名

玉真泉在玉真觀

覆釜洲在西湖中形似覆釜故名陸羽故居與文學



泉相近

散花臺在縣東南六里相傳嘗有異花自天而下  
境會亭在縣南宋祥符中掘土得一石乃唐竇俠境  
會亭

鴻軒在縣北古城內宋張耒謫時所構

諸葛嶺在雲夢南諸葛曾屯兵於此

巾戍山晉元熙間得古鐘七枚

班堤舊傳爲魯班所築

西湖堤卽鴈覆陸羽處

安陸府志

卷三

三十三

洗墨池青錢亭亭在池中李翱讀書之所

東岡在縣北七十里夾松石華巖二湖間陸羽嘗居  
於此號竟陵子又號東岡子

漾水在縣南合沔水其源出根谷中禹貢嶓嶷道漾  
是也東流爲漢又東爲滄浪之水過三筵入於大  
別云

巾水在縣東一百九十里水經註巾水西逕巾城卽  
巾水戍謂之巾口西有古竟陵大城古鄖國也

揚水逕竟陵縣納巾吐柘又北注於沔謂之揚口曹

氏追昭烈於當陽斜趨漢津遂濟夏口是也

留駕河在便河口先主從長坂趨漢津留駕於此

義河在城南宋太祖微時嘗渡此遺舟人錢不受後

特蠲漁課賜今名

直陽市城在縣東九十里相傳縣舊城

魯公城在白下湖村蓋魯肅屯兵地

夢野臺在景陵縣古人謂一目可盡雲夢野復州守

王琪建

天門山在青山之左卽陸羽從鄒夫子受學之火門

安陸府志

卷三

三十四

山日將下春則落霞如綺故皮日休有天門夕照

詩

景陵有東禪西禪寺夾邑城俱擁湖山之勝湖中蓮

花數千真所謂接天蓮葉無窮碧映日荷花別樣

紅

陵墓

鍾祥 楚平王墓在郡城外二十里花林園路側

孫叔敖墓在石板灘

楚樊妃墓在城西楚莊好獵妃諫不止乃不食禽獸

之肉王感之勤於政

蘇侍郎墓在太陽山宋人相傳奉命董修太陽寺卒  
葬於此

安陸侯吳復墓在元廟觀左

郢靖王墓在縣東二十里寶鷄山明太祖第二十三  
子洪武二十四年冊封爲郢王永樂十年薨謚曰  
靖舊有殿垣今廢

梁莊王墓在縣東南三十里瑜靈山明仁宗第九子  
永樂二十二年冊封爲梁王正統六年薨謚曰莊

安陸府志

卷三

三十五

舊有殿垣今廢

岳懷王墓在縣東南二十里清平山明興王長子生  
五日而薨謚曰懷

崇寧長善化

公主墓一在城東雙橋一在丘公壩崇寧長  
公主興王第一女善化公主興王第二女舊有祠  
宇碑亭今廢

興獻遺陵在松林山之原世宗卽位封松林山爲純  
德山定曰顯陵距縣城十里許舊有宮殿及司香  
太監今俱廢

徐明善墓在城東七里灣原籍邵陽人知鈞州致仕過郢貧不能歸卒塋於此

山京蕭天子墓在縣南五十里建炎間有寇發之忽有

黑蜂大如烏紛然四出又有大蛇橫墓寇懼乃止許相公墓卽唐人許仲也在城西五十里唐時捐地與獨孤標卓庵僧者建炎間有寇伐之得黃金燈架溫玉鈔及他物甚多

鄭獬墓在楊家河宋學士安陸人

市買娘子墓在縣東北六十里昔富水市有女子每

安陸府志

卷三

三十六

日暮挈筮市魚肉人疑之躡其蹟但見冉冉入墓中明日復來衆問之不應自是不復出又其墓北有一高塚上有大金牡丹遇陰雨人多見之疑卽其穴

楊僊墓在辦頓市宋志宣政間楊道人塋處後建塔於基事見列仙傳

新羅太子墓在縣東北七十里相傳新羅國太子隨其國僧入中國居芭蕉寺卒塋此

元德安路總管王公墓在縣東六十里馬耳山黃茅

林與下官廳相接環亘十餘里爲王氏族居每子孫登第則虹見陂塘五色照耀水上又有瑞麥一莖兩穗者有瑞蓮一幹雙蒂者有荷葉無種而生靈芝產於墓前者俱爲科名之兆焉

江潛

春申君墓在縣西南九十里舊傳黃歇塚者是碑字磨滅不可考

都指揮僉事余隆墓在荷湖垸明洪武八年勅葬  
指揮僉事余威墓在蘆洲明洪武十四年勅葬  
指揮鄭忠墓在策口明洪武十年勅葬

安陸府志

卷三

三十七

荆門

羊角哀墓在州西南九十里諸里村合河口左伯桃墓附

春申君墓在州西南九十里嘗於晴空無纖翳時西山煙嵐縷縷不散如雲

沈約墓在州西其墓下有銘曰時日不利不能歸葬咸陽

白公墓在州南九十里相傳爲楚公子白勝墓尉遲墓在州治南三十里遺址尚存

漢婁扈將軍之墓在州治三里耕者於墓旁間獲金

銀等器且傳有神牛時出沒墓側

陽當

荆王墓在黃泥岡按漢唐宋封荆王者三而漢荆王賈實居淮東宋荆王元灑未嘗之國惟唐荆王元景貞觀十年徙封荆尋爲荆州都督有惠政後以罪誅此或其墓也

楚三王墓在湮沉湖側今兩河口栢木港花梨園諸處皆傳有華表出地尺餘

楚昭王墓在縣南八十里沮水西潭方堰所謂昭丘是也

安陸府志

卷三

三十八

大王塚在縣西五里卽關將軍塋處昔將軍爲吕蒙所襲西保麥城使人誘而獲之歿於覆舟山塋此胡文定公墓在縣北十五里其父淵墓亦在縣北漳濱鄉

聶炳墓在玉泉東元至正間炳與紅巾賊力戰死塋於此

陽沔

陳友諒祖墓在掘斷山黃蓬東北諒祖千一本姓謝贅於陳遂從其姓

陵景

三烈墓儒學訓導任高妻李氏并二女被盜刼不

受辱相率沉江葬於此建祠春秋祭祀

風俗

楚有江漢川澤山林之饒江南地廣或火耕水耨民食魚稻以漁獵採伐爲業果蓏贏蛤食物嘗足故啻麻媮生而亡積聚飲食還給不憂凍餓亦亡千金之家信巫鬼重淫祀漢書荆強也亦曰警也晉書荆州風俗頗同揚州其人率多勁悍決烈蓋亦天性然也南郡彝陵竟陵沔陽襄陽安陸諸郡多雜蠻左其與夏人雜居者則與諸華不別其僻處山谷者頗與巴渝同

安陸府志

卷三

三十九

俗自晉氏東遷之後南郡襄陽皆爲重鎮四方湊會故益多衣冠之緒稍尚禮義經籍焉江夏竟陵安陸各置名州爲藩鎮重寄人物乃與諸郡不同隋書地多

卑濕人性淳和

圖經

人淳訟簡

丁謂詩

人自

溫良化作蠶

桑之俗

名賢文集

民俗樸儉有西北風聲氣習

風土記

古風

遺事有陽春白雪之美

唐劉丹記

民質直少文務實樸厚

富水志

民貧訟簡俗化蠶桑以耕漁爲業

湖廣總志

民狃於

江漢山澤之饒無凍餒亦無積聚

郡志

地廣以遠多山

泉民引泉爲機蓄堰水爲業

郡志

地本沮洳百姓勤

於本業士尚文藝江志俗尚緇黃自陸九淵知軍事

風俗丕變頗知禮義荆郡志地臨沮漳事簡俗樸勤農

尚儉郡志地鹵民貧以耕魚為業萑葦之藪多盜沔

州志民足魚蜃之饒復州廳耕尚鹵莽雖廣種而薄收

婚畧禮文每多贅而少娶疾患則斂貲相卹死喪則

歌鼓雜哀故志湖中多鴈有以打鴈為業者黃蓬山志地卑

下四望皆水以隄為命各築垸墝自固郡志風俗之

美無出吾國陸羽自傳俗善釀唐人謂酒曰郢水春宋曰

富水春舊志地多異省之名商遊工作者僦屋以居歲

安陸府志 卷三 四十

久漸為土著郡志敦禮讓急公賦重農輕賈郡志

物產

穀品 豆稻 蠶 黍 稷 粟 黏 豆 江 糯 豆 棘 扁 薺 刀 菊 豆 秫 黃 豆 芝 蔴 菜

蔬品 苜 瓠 芹 葱 芫 荳 藟 韭 芋 茄 薺 薺 茵 苳 芽 筍 芥 苳 甜 瓜 菜 山 瓜 菜

冬 瓜 西 瓜 白 菜

果品 櫻 桃 杏 梅 柑 棗 柿 花 梨 紅 菱 藕 子 銀 杏 蓮 實 石 榴 子 胡 桃

竹品 竹 筍 楠 竹 班 竹 苦 竹 慈 竹 鳳 竹 尾 山 竹 竹 瀟 水 湘 竹 觀 竹 音 竹 竹 淡 紫 竹 石 鳳 竹 翔

木品 棟 松 栢 桑 檜 梧 皂 柳 莢 椿 烏 檀 柏 楮 槐 榆 榆 荆 荆 柘 柘

花品 葵 蘭 木 菊 丹 牡 瑞 丹 香 芍 丁 藥 香 荷 山 桂 茶 茶 海 蘼 棠 芙 玉 蓉 簪 繡 萱 毯 百 紫 合 荆 水 紫 仙 薇



石竹 薔薇 臘季 玫瑰 山丹 罌粟 丹木 金香 盞木 龍筆 爪木 映山 蘆冠 叢觀 春

蓮花 金銀

草品 蒲芭 龍蘆 蕉葦 吉茜 水茅 葱莎 鴈萍 來艾 紅藻 煙蒿 脂菖

羽品 雲練 鷄鵲 山白 鵲鵬 竹慈 鷄烏 百鴛 舌鴛 子天 規鵝 布鸚 穀鴿 鷓鴣 水鷓 鷓鴣 鳧鴣 鷓戴

鸛鳩 鳩鷓 鷓鷓 鵲鷓 鷓白 鷓頭 燕翁 鴛鴦 鴛鷓 鴛鷓 鴻鷓 鴈雉 鶴鷓 家鷓 鵝鴨

毛品 狐虎 地豹 虎鹿 獠狼 牛免 馬獺 騾猴 驢狸 羊獐 豕麂 犬獾 猫豹

鱗品 青鯉 魚鯽 白鯿 魚鰕 白鯁 絲鯽 草鱔 魚蝦 金鮎 鯽 鰻

介品 螺鼈 蟹龜 鮫龜 鯉蚌 蜗蛤 牛蜆

蟲品 蛛蠶 蠹虱 魚蠹 蟋蛙 蟀蚱 蝶蝻 蟬蜻 蝙蝠 蝸蝓 蛇蚪 蠅螢 虎土 蠅蜂 蚊虻 蟻蛄 沙蜈 □蚣 □□

安陸府志

卷三

四十一

蜥螂 桑白

藥品 當菜 歸莢 天桔 薑梗 麥蒼 薑朮 香槐 附角 桑柴 皮胡 薄苦 荷參 荆枸 芥杞 紫蘇 草枳 木

枳星 殼大 戟皮 芫車 花前 商龍 陸膽 蒲草 黃細 茵辛 陳小 射苜 千胡 瓜連 地翹 榆半 □□

三蘆 稜白 厚芩 樸木 升通 麻草 香麻 薰白 遠藪 志牛 充膝 蔚山 山查 茨菘 菰葦 地草 骨解 皮黃 □□

加皮 明金 葳靈 嬰子 僊馬 玄胡 索青 蒲公 木香 蒼耳 銀花 乾葛 王不 馬留 兜行 鈴何 □

首烏 牽芍 牛藥 天牛 花榜 粉子 杜菖 蒲

貨品 蔴菜 餅黛 石木 黃棉 白香 蠟油 椒花 紅石 花縑 水靛 膠紙 紫蜜 花桐 豆油 粉柏 橡油

板殼 松

論曰 郢屬廣袤千餘里 處荆襄滙漢之衝 古四戰地

也幾經興廢幾經治亂獨山川如故耳嘗試登高望  
遠尋往跡於荆榛訪遺風於土俗昭君有村節妃有  
井漢侯有遺烈處士有故里指點墟落徘徊丘壟雖  
斷碑殘碣卧夕陽衰草間猶足動人懷想不特與山  
產俱傳者蓋古立功名士也嗟此功名乎眞能與山  
川同其不朽乎